

九
通
提
要

九通提要卷六

仁和柴紹炳虎臣纂

理學考

理學者。學以窮理而行道也。故曰理學。亦曰道學。道原於天而弘之在人。自伏羲觀象畫卦。已肇其端。故曰易與天地準。故能彌綸天地之道。又謂易簡而天下之理得。溯源理學。此其濫觴矣。至書載堯之命舜曰。天之曆數在爾躬。允執其中。而舜以命禹。更闡而明之曰。人心惟危。道心惟微。惟精惟一。允執厥中。其授受尤爲諄切。夏禹之後五百年而有湯。凡言性言誠言學。率前此所未發。發之自殷君臣。如湯誥伊訓說命諸篇可繹也。及其後。喬孫猶得以客陳洪範。道法棊明。周則文王拘幽演易。深抉天人之蘊。武王拜丹書。契敬勝義勝之旨。作諸銘自警。周公制禮樂。作周官。思兼三王以施四事。蓋父子兄弟。光前啟後。誠足維斯道于不墜焉。周衰而有孔子。以天縱之聖而好古敏求。祖述堯舜。憲章文武。生平尤夢寐周公而欲取法之。將行其道于天下。轍環列國。溫溫無所試。慨然刪詩書。定禮樂。繫易作春秋。徒以垂教于後世。其論語孝經之篇。口授及門。較爲親切。當時受業有三千弟子。身通六藝者七十人。

而夫子獨薦顏淵爲好學。故曰顏氏之子其殆庶幾乎。子貢以聞一知二之才猶多所然疑不能直契宗指。最後而曾子以魯得之子呼而屬之曰參乎吾道一以貫之。曾子曰唯。此其一堂授受視堯舜執中之傳要無兩也。曾子傳子思子思本曾子慎獨之學首原性道教之義終之以無聲無臭蓋篤實之後一變而發爲精微作中庸四十九篇今見禮記者第其略又有子思子二卷復多闕佚或曰大學亦子思作也子思之門人則有孟軻或曰轉相講授于門下弟子今諸書載孟子子思問答語詳則親受業者是耳孟子當戰國之時以斯道自任其大指願學孔子以性善爲宗發明仁義孝弟以距楊墨闢功利爲先而所自得力者在知言養氣會時君不果所言見爲迂濶而不切於事情故所如不合退而與萬章之徒序詩書述仲尼之意作孟子七篇其篇末歷敘堯舜禹湯文以及孔子明見聞知所屬彼自任詎渺小哉孟子之後有荀卿其著書亦成一家言然疵而不醇識者少之秦人滅學迄漢初遺經漸出儒者各是所師專門講授要之聞道則未也唯董仲舒當建元中以賢良方正對策不失聖賢指要其言曰道者所由適于治之路也仁義禮樂皆其具也又曰道之大原出于天天不變道亦不變今師異道人異論臣愚以爲諸不在六藝之科孔

子之術者。皆絕其道。勿使並進。對旣畢。天子以爲江都相。仲舒少治春秋。進退容止。非禮不行。學者皆師尊之。常言仁人者。正其誼。不諫其利。明其道。不計其功。大都祖孔孟而精語之。凡相兩國事。驕主正身以率下。數上書諫爭。教令國中。所居而治。及去位家居。終不問產業。以修學著書爲事。劉向稱其有玉佐才。而向子歆亦云。今後學者有所統一。爲群儒首云。成帝時。蜀有楊雄者。字子雲。口吃。好深湛之思。博覽無所不見。乃著太玄法言。以擬易論語。時人皆習之。唯劉歆范滂敬焉。而桓譚以爲絕倫。言其書文義至深。而不詭于聖人。自後代昌黎明道涑水諸公。亦交相推服。然雄以先漢宿儒。誦事莽朝。又撰劇秦美新文。以自媚。所稱清淨少耆欲。恬于勢利者。果若是耶。下逮魏晉六朝。雖儒林不乏。特以隋王通爲優。通字仲淹。龍門人。世以儒術顯。甫冠。西遊長安。見隋文帝。奏太平十二策。廷議多不然。通知言之不用也。作東征之歌而歸。屢徵不至。乃續詩書。正禮樂。修元經。讚易道。九年而六經大就。門人自遠至。如董常姚義等。咸北面受道。其教興于河汾。雍如也。大業末卒。門人私謚曰文中子。貞觀初。其弟子又取問對之書。勒成中說十卷。乃世之談者。每以通僭經爲疑。程子曰。王通隱德君子。論其粹處。殆非荀楊所及。若擬經之類。皆非其作。不識果何所

据也。唐則有昌黎韓愈。愈字退之。鄧州南陽人。以進士官終吏部侍郎。方貞元元和間。愈特以六經之文。爲諸儒倡。障隄末流。返剏以樸。然愈之才大。而氣剛。素用風節。自砥其持論。必執于正。所作原道諸篇。尊聖經。闢二氏。蓋生平以孟軻自况。而荀楊不足論也。然愈之爲人。篤于行誼。立朝以直諫名。所至有治迹。非苟然者。力學治古文。敢于抗顏爲人師。其成就後進士不少。經愈指授。皆稱韓門弟子。自愈沒。其言大行。學者仰之。如太山北斗云。宋興。濂洛關閩諸儒。先後繼踵。以道學各一代之所爲。修明不愧聖人之徒。吾得數人焉。周敦頤字茂叔。道州營道人。初以舅任爲分寧主簿。決疑獄有聲。調南安司理叅軍。持法不阿。累遷廣運判官。提點刑獄。以洗冤澤物爲已任。其後以疾求知南康軍。因家廬山蓮花峰下。前有溪合于湓江。取營道所居濂溪以名之。因自號焉。敦頤博學力行。著太極圖明天理之根源。究萬物之終始。而爲之說云云。又著通書。發明太極之蘊。迄今學者奉爲格論。方椽南安時。程珣通判軍事。視其氣貌非常人。與語知其知道。因與爲友。使二子顥頤受業焉。每令尋孔顏樂處。所樂何事。顥之言曰。自再見周茂叔後。吟風弄月以歸。有吾與點也之意。侯師聖學于頤。未悟。訪敦頤對榻夜談。越三日乃歸。頤驚異之曰。非從周茂叔來耶。其善

開發人類此宋之儒者推周子爲冠夫孰得而議哉程顥字伯淳頤字正叔皆珣之子而敦頤門人也顥第進士調鄆上元主簿已爲晉城令皆有異政敦教化爲民所懷改著作佐郎以呂公著薦權御史裏行神宗敬而禮之數咨治道顥不飾詞辨獨以誠意感動主上前後進說甚多大要以正心窒慾求賢育才爲先王安石更法令顥指其不便而每從容平議安石亦愧屈已力求罷職改僉書鎮寧軍判官司馬光稱其公直以爲已所不如最後出知扶溝縣又責監汝州鹽稅哲宗立召爲宗正丞未赴而卒士大夫識與不識莫不哀傷之顥資性過人充養有道和粹之氣溢于面背門人交友從之數十年未嘗見忿厲之容遇事優爲雖當倉卒不動聲色自十五六時與弟頤聞周敦頤論學遂厭科舉陋習慨然有求道之志嘗自言所學汎濫于諸家出入于老釋者幾十年返求六經而後得焉顥慨秦漢以來斯文久湮欲振而起之所著定性書實闡聖學之秘與太極圖說相表裏天下學者咸傳頌之文潞公採衆論題其墓曰明道先生頤少與兄顥同學年十八上書闕下欲天子斥世俗之論以王道爲心游太學試論爲胡瑗所重嘗應進士舉值廷試報罷遂不復試哲宗初司馬光呂公著疏薦頤力學好古誠儒者高蹈詔召入見擢崇政殿說書疏言習

與智長化與心成大率一日之中接賢士大夫之時多親寺人宮女之時少則氣質變化養成聖德矣每進講色甚莊繼以諷諫已因與蘇軾不相能又更張國子條制及請經筵坐講廷議多難之遂力請罷出管勾西京國子監紹聖中坐竄涪州崇寧黨禁弛復宣義郎致仕頤晚年著易春秋傳生平以誠爲本以聖人爲師師道尊嚴淵源所漸皆爲名士世稱伊川先生其自言學與兄同然明道嘗爲條例司官屬伊川作行狀諱之朱熹謂顥乃大賢以上作用明道亦謂伊川曰異日能尊嚴師道者吾弟也若接引後學隨人才而成就之則子不得讓焉蓋二程之風指造詣不能無軒輊于此可見矣然張載稱其兄弟得孔孟不傳之學爲諸儒倡其後紫陽于傳註所引乃並稱程子無別云是時程氏兄弟倡道于洛張載亦奮起關中載字子厚大梁人家子郇少喜談兵謁范仲淹因勸之讀中庸猶以爲未足又訪諸釋老知無所得反而求之六經嘗坐虎皮講易京師聽從者甚衆二程至與論易語人曰二程吾所弗及汝輩可師之撤坐輟講與二程語道學之要渙然自信曰吾道自足何事旁求于是盡棄異學淳如也第進士爲祁州司法叅軍遷雲巖令政事以敦本善俗爲先熙寧中以呂公著薦召爲崇文院校書王安

石問新政。載直規之不合。移疾屏居南山下。志道精思。每告諸生。學必爲聖人而後已。其大指尊禮貴德樂天安命。以易爲宗。以中庸爲體。以孔孟爲法。已又以薦知太常禮院議禮不合于有司。仍以疾歸。道卒。載學古力行。爲闕中士人宗師。世稱爲橫渠先生。著書曰正蒙。又作西銘。其指尤遠。程頤謂西銘理一分殊。擴前聖所未發。與孟子性善養氣之論同功焉。當時張程互推而游于程門者較盛。如謝良佐游酢呂大臨楊時。在程門號四先生。至豫章羅從彥。學于楊時。延平李侗。學于羅從彥。淵源皆本于程。而朱熹者。則又李侗之門人也。朱熹字元晦。一字仲晦。婺源人。寓居于建陽之考亭。父松有學行。熹幼穎悟。年十八。貢于鄉。尋第進士。主同安簿。罷歸。孝宗時。求言。熹上封事。言帝王之學。必先格物致知。以極事物之變。自然意誠心正。可以應天下之務。次言安攘大計。以及四海利病。生民休戚。係于守令監司。而終謂本原之地。在朝廷。識者韙之。其後屢起旋罷。大抵持正不合。其知南康軍。值歲歉。講求荒政。多所全活。爲浙東提舉。郡縣憚其風采。所部肅然。旣與相王淮相左。陰黨鄭丙陳賈輩。倡僞學之議。設爲厲禁。及淮罷入對。侃侃如初。歷光寧兩朝。每有條奏。而廷議勿是也。又以韓侂冑用事。極論忤之。遂遭誣劾。落

職罷祠。旋乞致仕。卒年七十一。熹登第五十年。仕于外者僅九考。立朝纔四十日。方入朝。有要之于路。以爲正心誠意之論。上所厭聞。熹曰。吾平生所學。惟此四字。豈可隱默以欺吾君乎。及僞學之禁日急。而熹日與諸生講授不輟。少奉父命。師李侗。不遠數百里。徒步從之。其爲學大抵窮理以致其知。反躬以踐其實。而以居敬爲主。所著書最富。如易本義詩集傳四書集註小學通鑑綱目家禮近思錄。其尤著者。理宗淳祐元年。詔以周張二程及熹從祀孔子廟。黃幹曰。由孔子而後。曾子子思繼其微。至孟子而始著。由孟子而後。周程張子繼其絕。至熹而始著。蓋知言也。朱氏弟子則蔡元定黃幹李燔張洽陳淳輩最知名。同時有陸九淵者。與熹學行相頡頏。而持論有不治。故至今學者稱朱陸異同云。九淵字子靜。撫之金谿人。小時舉止異凡兒。謂伊川之言與孔孟不類。又曰。南北海有聖人出。雖千百世上下此心。此理無不同。登乾道進士。歷國子正。慨然陳恢復大略。除將作監丞。不果。罷祠還鄉。學者輻湊。稱象山先生。或勸九淵著書。曰。學苟知道。六經皆我註脚。光宗初。差知荆門軍。有異政。郡以爲神。時相周必大稱爲躬行之效。其歿也。預期告終。年五十四。初九淵嘗與朱熹會鵲湖。論辨所學多牴牾。蓋熹主道問學。而九

淵指歸尊德性。其言曰。既不知尊德性焉。有所謂道問學哉。及熹守南康。九淵訪之。熹與至白鹿洞。九淵爲講。君子小人喻義利一章。聽者至有泣下。熹以爲深中。學者隱微深癩之病。至于無極而太極之辨。則貽書往來。論難不置焉。本宋人之稱道學。以濂洛關閩爲重。然侂若邵雍之盛德高風。不下濂溪明道。而孫復胡瑗輩經術。差足雁行。張程至尹焞張栻。胡安國楊萬里呂祖謙陳傅良真德秀諸子。亦皆儒者之羽儀也。元人代宋。頗有理學之儒。其始以姚樞許衡倡導。而繼則有竇嘿劉因吳澄金履祥許謙等。各有師承。烏得而沒之哉。明初高皇帝詔諸臣輯群經類要。成祖頒經書性理大全于天下。學宮所以表章斯學者。可謂豫矣。故世之士大夫。代有振興。益愈往。宋今採其學行之卓卓者著諸篇。薛瑄字德溫。山西河津人。謚文清。年十二能作詩賦。已從魏范二先生講。周程張朱諸書歎曰。此道學正脉也。遂焚少作。專心于是。成進士。授御史。擢視山東學政。瑄首以朱子白鹿洞學規開示學者。諸生皆呼爲薛夫子。遷大理寺少卿。時中官王振用事。或邀拜其門。瑄不可。搆幾死。天順初召入內閣。會曹吉祥石亨輩竊弄威福。遂見幾移疾去。四方學者從之盛衆。瑄倦倦以復性爲教。嘗曰。讀書窮理須實見得。然後驗于

身心不然無異買櫝還珠也瑄學貴踐履晚年玩心高明默辨其妙有不言而悟者所著讀書錄皆平易簡切可傳而頌焉嗣有陳獻章字公甫新會人正統間舉于鄉獻章穎悟絕倫讀書一覽成誦再赴禮部不第聞江右吳聘君與弼講伊洛之學往從之遊與弼愛重之然未有契也居半載歸遂絕意舉子業閉戶讀書靜思久而有得成化初遊太學邢祭酒讓試論驚歎謂真儒復出由是名振京師尋歸隱白沙以薦赴試至部復以疾辭卒不就試授翰林檢討乞歸終養學者稱白沙先生獻章學以自然爲宗以忘己爲大以無欲爲至其教人不立語言文字而以至誠動人當世以理學名者如羅倫章懋莊昶賀欽鄒智之徒交相推服而王守仁亦極稱白沙學有本原而行事無一不概于道信矣乎守仁字伯安餘姚人少穎異有逸氣成弘治進士初除刑部主事改武選武宗卽位劉瑾亂政首抗疏廷杖謫龍場驛丞轉知廬陵縣瑾誅累遷僉都御史巡撫南贛力平劇盜偵知宸濠有逆謀自請提督軍務勦賊有功進副都會宸濠反守仁適勘事福建亟返吉安與知府伍文定謀起兵討逆發檄先聲且設間謀以疑而誤之遂破南昌逆濠就擒嘉靖改元錄功封新建伯兼南兵部尚書竟爲時貴所忌以外艱去五年起

督師兩廣。討岑猛餘黨。盧蘇王受之叛。守仁懷以恩信。賊自縛來歸。兼平八寨。時桂萼與守仁有隙。論其挾詐專兵。遂移病至南安卒。桂又言守仁冒功叨賞并斥其學術不端。壞士習。乞削奪官爵。上不許。但停恤典。子不得嗣封而已。守仁天資英敏。年十八卽有志聖學。方謫官龍場。抗顏講授。雖荒裔亦敬慕之。其學以致良知爲主。又謂朱子晚年定論與已合符。其指示諸生。每提四句爲教法。曰無善無惡。心之體。有善有惡。意之動。知善知惡。是良知。爲善去惡。是格物。其及門高弟錢德洪王畿論有同異。洪以前語爲師門定本。而畿則云可有可無。具以請質。守仁曰。爲上根人說。無善惡爲中根人說。有善惡根基有高下。卽工夫有頓漸耳。鄭曉曰。今人咸謂公異端。陸子靜之流。嗟乎。子靜豈異端乎。以異端視子靜。則游夏純于顏曾。而思孟劣于雄況矣。公所論敘古本大學則言傳習錄諸書具在。學者虚心平氣。反覆融玩。久當見之。更隆慶得諡文成。又萬曆乃從祀孔子廟。至今號陽明先生。推爲一代元勳正學。乃爲定論云。顧有明一代儒者。肩背相望。豈直文清白沙陽明而已乎。若布衣之有陳真晟。胡居仁。王艮輩。薦紳之有丁璣。陳茂烈。蔡清。儲瓘。湛若水。呂柟。鄒守益。唐順之。羅洪先。羅汝芳。楊起元。輩亦皆力學慕道。籍

甚一時其間不無淺深同異要之原本六經以求入聖賢之域者寧得相背而馳也歟故曰人能弘道又曰羣言淆亂折諸聖嗚呼學者可以知津矣奈何捨大同之道而多此紛紜也

學校考

學制始自五帝其名曰成均。有虞氏始卽學以藏柔而命之曰庠。又曰米廩。于是太學爲上庠。小學爲下庠。夏后氏曰序。太學爲東序。小學爲西序。而鄉學則曰校。商人曰學。又曰瞽宗。序取射瞽宗取樂太學爲右學。小學爲左學。而鄉學則曰序。周人修而兼用

之內卽近郊。並建四學。虞庠在其北。夏序在其東。商學在其西。當代之學居中南面而三學環之。命之曰膠。又曰辟雍。亦曰成均。曰澤宮。于是虞學以養庶老。冬讀書在焉。夏學以養國老。春夏學干戈。秋冬學羽籥在焉。商學以祭樂祖。春誦夏弦。秋學禮在焉。澤宮則王擇侯國所貢士與之大射。及國有大事出征受賑獻馘皆在焉。是爲太學。凡鄉州黨皆立小學。其在侯國命立學亦于澤。而頗損其制。環水如半壁曰泮宮。亦有大學。小學。大學在郊。小學卽公宮南之左。此立學之制也。國學王世子王子皇后之世子卿大夫元士之適子。凡國之俊秀皆與焉。而司其教者則師氏保氏諸

子大司樂樂師大胥小胥樂正籥師丞執禮典書之屬各有所掌入學考校造士有法鄉學則閭塾黨庠州序各萃其子弟而教焉俾仕之歸老而有道德者爲之師人生八歲入小學學六甲五方書計之事知室家長幼洒掃應對之節見小節焉踐小義焉二十而冠入大學學先聖之禮樂知朝廷上下君臣之等脩三物六德之凡見大節焉踐大義焉所謂大司徒以鄉三物教萬民而賓興之而邦國都鄙各教其所治比長閭胥黨正州長屬民讀法飲射以奉司徒之教故其時風俗美而人才衆多此學之效也周衰王道微缺子衿刺興而孔子以儒者倡道東魯刪述六經弟子多弑弑文學之士仲尼卒七十子之徒散游諸侯大者爲師傅卿相小者友教士大夫戰國縱橫不重儒術而孟軻荀卿咸遵夫子之業而潤色之以學顯于當世至秦併六國壞先王之典焚書坑儒學者以爲諱漢興然後諸儒始得修其經藝習射講禮叔孫通作漢儀因爲太常諸生弟子共定者咸著選首然猶未遑庠序之事也及武帝卽位趙綰王臧明儒學而上亦鄉之乃從博士董仲舒議始興太學立學校之官及竇太后崩武安侯田蚡爲丞相絀黃老刑名百家之言延文學者數百人而公孫弘以春秋白衣爲天子三公前此博士雖各以經授徒而無考

察試用之法。至是官始爲置博士弟子員。復其身。從公孫弘請也。太常擇民年十八以上。儀狀端正者。補博士弟子。郡國縣道邑。上屬所二千石。二千石謹察可者。當與計偕。詣太常。得受業如弟子。一歲皆輒試。能通一藝以上。補文學掌故缺。其高第可以爲郎中者。太常籍奏。卽有秀才異等。輒以名聞。其不事學若下才。及不能通一藝。輒罷之。而請諸不稱者罰。自此以來。則公卿大夫士。彬彬多文學之士矣。始言詩於魯。則申培公。於齊。則轅固生。於燕韓太傅。言尚書。自濟南伏生。言禮。自魯高堂生。言易。自菑川田生。言春秋。自胡毋生。於趙董仲舒。其後傳著者。得列於學宮。而濟南閻西瑯。瑯千乘間。教授生徒。復往往千餘人。猶不屬於庠序。專門守業。論篤固而風最謹醇。方宣帝少時。受詩于東海濮仲翁。及卽位。乃詔諸儒論五經同異于石渠閣。命御史大夫蕭望之等平奏。帝稱制臨決。而經學高等者。增立博士員。以傳習之。元帝好儒。詔郡國弟子能通一經者。皆復數年。尋以用度不足。更爲設員千人。郡國置五經百石卒史。成帝末。或言孔子布衣。養徒三千人。今天子太學弟子少。于是增弟員三千人。歲餘復如故。平帝時。王莽秉政。欲延譽于天下。因奏置元士之子。得受業如弟子。勿以爲員。歲課太常弟子甲科爲郎中。乙

科爲太子舍人。丙科補文學掌故。又奏起明堂辟雍靈臺。爲學者築室萬區焉。光

武中興。先訪儒雅。四方學士雲會京師。于是立五經博士。各以其家法教授。凡十

四博士。易有施孟梁丘京氏尚書歐陽大小夏侯詩齊魯韓禮大小戴春秋嚴顏建武五年。管起太學。車駕臨幸。賜博

士弟子有差。十九年再幸。桓榮論辨經義。特加賞賜。又詔諸生雅吹擊磬。盡日乃

罷。明帝永平二年。臨辟雍。初行大射禮。天子始袒割。尊事三老五更。饗禮畢。乃正

坐自講。諸儒問難于前。冠帶搢紳之人。圜橋門而聽者。蓋億萬計。其後復爲功臣

子弟四姓戚屬。別立校舍。搜選高能以受其業。自期門羽林之士。悉令通孝經章

句。匈奴亦遣子入學。其後又爲四姓小侯立學。置五經師焉。肅宗建初中。大會諸

儒于白虎觀。考詳同異。帝親臨稱制。如石渠故事。顧命史臣著爲通義。和帝亦數

幸東觀。問書林及鄧后稱制。學者頗懈。時樊準徐防並陳敦學之宜。于是制詔公

卿。妙選儒職而安帝覽政。薄文藝弗好也。博士倚席不講。朋徒怠散。學舍頽敝。至

爲園採芻牧之處。順帝時。更繕治之。左雄又奏徵海內名儒爲博士。諸生有志操

者加之俸祿。負書來學者雲集。質帝時。游學增盛。至三萬餘生。然章句漸疎。多以

浮華相尚。儒者之風衰矣。桓帝延禧五年。大學西門自壞。襄楷以爲文德將喪之。

光時甘陵有南北部黨人互相譏揣。流言轉入太學。諸生中以郭林宗賈偉節爲冠。並與李膺陳蕃王暢更相褒重。持清議。公卿多畏之。屣履到門。牢脩乃上書誣告膺等交結生徒。誹謗朝政。天子震怒。下郡國搜捕。因而構成黨錮之禍。楷言果驗矣。靈帝旣誅黨人。然頗好學。自造皇義篇五十章。因引諸生能爲文賦者。其爲尺牘工書鳥篆者。及無行之徒。皆加引召。並待制鴻都門下。蔡邕力言其非。帝不省。光和元年。遂置鴻都文學。其諸生皆勅州郡三公舉用辟召。士君子耻與爲列焉。魏黃初中。始開太學。制五經課試之法。明帝亦從高柔議。申勅郡國貢士。以重學爲先。然是時中外多事。博士率皆粗疎。太學諸生有數千。無能習學者。晉武帝憂勤軍國。猶修立學校。咸寧二年。起國子學。自魏帝正始而後。王何稽阮之倫。扇以玄言。纒視名教。士風蕩然。不可復檢。元帝初立。王導戴逵各上書勸興學。帝納之。于是始修理學校。置諸經博士。成帝咸康中。議立國學。徵集生徒。而世尚莊老。莫肯用心。儒學穆帝永和八年。殷浩西征。以軍興罷遣。由此遂廢。穆帝時。從尚書謝石之請。增造廟屋。選公卿子弟爲生。而品課無章。與列者耻之。宋文帝元嘉中。始立國學。未幾旋廢。別立立史文儒爲四學。舛矣。明帝初置聰明觀。祭酒一人。統